


中華民國十二年六月十五日出版
特准掛號認爲新聞紙類

第七十八期兩期合刊
(紀念號附)

政 法 月 刊



山西法政專門學校學生政法月刊社編印

The monthly of Political Science and law

本社啟事一

本刊自第十六期出版後頓隔多日委以本校紀念在即所有學生全體趨誠祝壽乘興游藝多端以致本期頗形遲滯茲爲速奉閱者計特將十七十八兩期合刊一册並各項游藝附刊於後聊供一粲尙希指正爲盼此啓

投稿規則

- 一 凡有關於政治法律經濟以及其他與本刊宗旨有關之論著譯述記事等稿件字數在一千以上者不論文言白話一律歡迎
- 二 凡論著譯述等稿件總以切合現時情勢足以啓迪社會增進智識及有興趣者爲限
- 三 凡投來切合右二條之稿件一經審定登刊即以本刊奉酬
- 四 凡投來稿件未經登刊者原稿恕不奉還但投寄時預先聲明須寄還者不在此限
- 五 凡投來稿件經登刊後其著作權即屬於本社所有除著作人自刊文集外不得再行刊布及送登日報或其他雜誌
- 六 凡白話稿件須加標點符號
- 七 凡譯述稿件須註明某書卷頁及原著人名姓以備查考
- 八 投稿者須將本人姓名或別號填明
- 九 投稿人以本社編輯簡章第一條規定爲限

本期目次

○論 著

限制土地之價格貧民有儘先購買權

張豫和

按一人勞動之力足以養八口之家而有餘細考現今社會情形以勞力度日者終歲勤勞而自身僅

足衣食其弊原安在試詳答之

孫淮南

中國勞動者之貧困原因

馮漢賢

統治權與主權之區別

陳天祥

○譯 述

中國關稅制度之影響(續第十五期)

金福海

○校務紀實

冀校長對法十四政六兩班學生畢業後之訓話

武紹岳
金福海 筆記

校友在社會服務情況統計表

○雜纂

編餘戲語

今人應有之大覺悟

本期附刊

本校成立第十七週年紀念大紀實

限制土地之價格貧民有儘先購買權

張豫和

去冬寒假歸里考察鄉村之經濟情形有三種現象焉

一、五穀豐登糧價騰貴宜乎家有餘粟村有餘錢考其實際糧食輸出於外埠金錢加入於土地一遇饑荒錢穀兩無

二、土地騰貴貧力增加富力不增加

三、貧人無置產機會村中增乏食之家

第一款情形原因於海禁大開內糧輸出此爲糧貴惟一之原因農民昧於世界經濟之大勢以爲今日之糧價古今所罕聞趁此千載一時之機會傾倉倒篋爲盡量之糶出鉅款收入遂以高價買地貧人亦因地價膨漲爲千載所未有亦趁此時機賣地以清理積欠於是領紙也稅契也謝客也輾轉之間而雙方之餘款盡矣夫土地祇有此土地牛產祇有此生產豐年將餘資盡量加高地價荒年則倉無餘粟囊無存錢此第一段情形所由生也

第二土地騰貴原因於食物騰貴者半原因於產業不發達者亦半蓋村人桎於舊習愛多種地而不求生產之改良喜置不動產不願冒險爲他種實業之殖利例如一村年終之純收益爲一千元苟將此餘資另擴充他種實業下年則得純收益一千二百元再下年則可得純收益一千四百元而原有資本尙不在內本利合計則成三千六六七百元反之而以此千元加入土地價格內則收益等諸零

矣故近年來開礦仍用土法集資無人應募一方不足以抵制外貨之輸入他方適足以擠倒貧民之生計富力未增貧民先因此第二款情形所由出也

第三貧富相差在積數不在倍數例如一與十比差數爲九十與百比差數爲九十百與千比差數爲九百千與萬比差數爲九千以言倍數則一與十與百百與千與萬皆同也以言積數由九而九十而九百而九千則大異也十年前一元之物今成十元十元之物今成百元百元之物今成千元千元之物今成萬元不言而富力增高不言而貧富相懸故貧人無置買土地之機會而乏食之聲時聞矣

上說三款情形皆爲社會實在之癥結欲救斯病惟限制土地之價格與以貧民儘先購買權其庶幾乎余嘗謂棉花因外人購買而價昂糧食因輸出而價貴惟土地外人不得來買吾人亦不能賣與外人其價格能自我而定不受外界之影響奈何以有用之金錢放於定量生產之土地而使貧民有賣地之力而無買地之力以致恒產恒業者日益少社會之經濟日漸困甚可慮也苟能限制土地之價格與貧民以儘先購買權富者不能在土地上加以壓迫貧民亦不受地價之昂貴失却生活上之根據於是富者餘資不用以改良土地必集資以振興實業民有恒產民不謂貧國有流資國亦不困以言實業不難集資資本集中民不受困既不發現歐美資本階級之弊病兼寓恒產恒業之古制誠計之得也

或謂賣地非富人富人不賣地總限制高價仍使貧民受苦不知以貴賣而能賤買可也以貴賣而仍貴買夫何貴乎貴賣現賣地因正用而賣者百分之六七因嗜好怠惰而賣者百分之九十三四夫以有嗜好怠惰之人總使高價出賣不過供彼一時之揮霍於彼無益於社會經濟有損夫何取焉

或又謂貧民有儘先購買權亦仍貧民賣與貧民若富人彼雖不能買亦不去向他人賣則土地仍不能漸趨於均殊不知貧民賣與貧民不勝於貧民賣與富人乎况富人亦有貧時數十年後則土地上可無甚貧甚富矣土地之權既到貧民苟貧民中不惰其四體皆不失有相當之土地况現社會最大問題以麵包爲第一富者既不能壟斷土地貧者自絕不會受饑荒近人動謂振興實業則養成社會上資本階級不振興實業又不足以抵制外貨之輸入此法一行不特不能養成資本階級反將現有之小地主亦漸次剝除一舉而數利備夫豈無辦法之社會各種主義之比哉

然則貧之程度究於如何爲標準關於此點可就不動產之富力計算可也計財產收入之總額亦可也以人口計算亦無不可也要之此問題屬於手續上之問題本篇暫不論及

按一人勞動之力足以養八口之家而有餘細考現今社會情形以勞力度日者終歲勤勞而自身僅足衣食其弊原

安在試詳答之

孫淮南

人類欲望逐漸增加於是常感需要之不足而思欲滿此不足之欲望於是各種之事業以興耕耨種植盡勞力於土地而農業興工作製造使物品適用而工業興懋遷有無使於交易而商業興交通頻繁彼此接觸欲望由簡單而複雜生活由低度而高度社會於焉進化人類於焉繁殖生產於焉增加然則生活雖高人類雖繁而生產常伴隨而增加似無供給不足需要之病生活困難之累然而考之古昔一人勞力足以養八口之家而有餘迨乎近今以勞力度日者終歲勤苦僅足以自給衣食而時或有不足此情形各國皆然而於吾國爲尤甚此社會問題勞動問題之所以興起而政治家之所以急急而研究之者也推其弊原雖有種種而其主要者厥爲國家制度經濟組織與實業不興三者顧欲知今日之制度與經濟所以致勞動者之生活困難不得不先究古代制度經濟之所以致勞動者之生活裕如也蓋明乎古之有餘而今之不足自知今將國家制度經濟組織與實業不興之影響於勞動者之生活分別論述於左以見夫今昔之不同生活之難易非偶然也

(一) 國家制度 人類欲營共同之生活必守一定之秩序欲維持此一定之秩序於不替則不能不基於社會之習慣進而爲國家之法制以維持之保護之使安然循序而無或少紊然則個人經濟國民經濟實爲此社會習慣國家法制所支配者雖然社會習慣國家法制又以個人經濟國民經濟之進化而與之俱進者也經濟與法律經濟的事情與社會的習慣實乃互相爲因果而互相進退者也此國家制度不能不有所變遷也此經濟的事情不能不受其影響也此古今之制度大相懸

殊也然社會之變遷雖屢而考其制度則不外有左之二種即

(甲)公有財產制度

(乙)私有財產制度

茲更就此二種制度分析討論其及於個人經濟之影響也

(甲)公有財產制度 公有財產制度者舉一國之財產盡爲國家所有而庶民不得自私僅以受自國家之土地共同勞力以生產之所得而自由消費者也所謂共同生產各自消費是也考之吾國古代天下之田悉屬於官民養給於官者也故受田於官食其力而輸其賦仰事俯育一視同仁而無甚貧甚富之民所謂井田之制是也且如周時民皆二十受田六十歸田七十以上上所養也十歲以下上所長也十一以上上所強也觀乎此則知古時民皆受田自官無或能自由競爭廣拓兼并既無貧富之差自無傭力於他人以謀生活者皆以自己勞力耕耨種植於所受之土地而以其所得純爲自己所有未有與之分配者是之謂獨立勞動是之謂自爲生產者自爲消費者也如此而尙有民不聊生戶亡積貯者哉民皆各自競爭慨自封建廢而井田壞富者田連阡陌貧者至無立錫雖其後後魏孝文行均田之法北齊孝成立永業之制後周文帝置司均之官唐立口分世業之法然大都奪富以與貧民不相安一行而即兆亂於是不得不變而爲私有財產制度矣可知一人勞力足以養入口之家必在公有財產制度之下獨立勞動時代而

非能見於今日之私有財產制度之下自由競爭之時代也

百四二

(乙)私有財產制度、私有財產制度者認各種財產屬於私人所有之制度也詳言之即本此所有權得排斥他人而自已單獨使用處分收益其一切財產之權利也現今世界各國大率皆爲此種制度世而既變爲此種制度矣則各人之利害關係自不相同於是財產上始生自他之區別從而經濟上亦發生自他之觀念而自由競爭亦愈形劇烈此種制度雖足以使事物改良產業開發而生產增加社會日以進步經濟日以發達然其結果遂生財產不平均之現象而私有財產之有無大小至成爲決定經濟上及一般社會上各人幸不幸之標準凡財之獲得富之分配悉視資本之有無大小致使富者益富貧者益貧無財產則無資本無資本則收入薄而人多憔悴呻吟於資本主義之下永無向上發展之機然則物質文明愈發達而人生幸不幸之相去日益遠遂使資本家累世安佚而愈富勞動者終歲勤苦而不免於貧此種現象在生產發達之國家尙不甚感其痛苦而在吾國則大受其影響此以勞力度日者終歲勤勞而僅足自給衣食不能謂非私有財產制度之結果耶

(二)經濟組織 經濟與法制互相爲因果而互相進退既如前述矣古代制度與現在制度之不同亦既論矣則昔時經濟之組織與今日經濟之組織自各有異此爲當然之結果蓋經濟組織者爲經濟主體與經濟行爲者所成之各種經濟單位又依分業交換通功異事以羨補不足相扶相助

以成一體者也經濟組織之意義既明則今昔組織之不同可得而論列矣蓋古代經濟之組織大都經濟主體與經濟行爲者恒爲一人且其實質以勞力爲主由此多數之單純經濟單位組成一體者也而在今日則經濟主體與經濟行爲者不必限於同一之人且其內容以資本爲主如富豪之家僕耕婢織主人安坐而衣食是經濟主體與經濟行爲判然有別而由此複雜之各種經濟單位所組成者也茲就以上之情形又可分爲左之二種即

(甲)單純經濟組織

(乙)複雜經濟組織

茲更就此二種組織以論其及於個人生活之影響於左

(甲)單純經濟組織 經濟發達之順序與其間所起經濟事情之變遷不外生產交易分配消費等之一切經濟現象之變遷而此各種現象之性質與規模之大小又無不以交通爲變化而在單純經濟組織時代交通既不發達則其經濟狀態自係分立的而非統一的可知矣自其生產上與消費上論之則自爲地主自爲資本主自爲勞動者自己生產而自己消費不分配之間題故其所得盡爲已有經濟爲自給經濟勞動爲獨立勞動自分業上論之人各有恒產或耕於田或織於家雖有分途之作業不過爲一經濟內之分業而非數經濟間之分業所謂家政的分業而非社會的分業故曰一夫不耕或受之飢一女不織或受之寒然則果能耕能織而盡力於

自己之土地內者即未或有受飢寒之累者也是當時共同生活之狀態殊爲簡單而生產之要素又以土地勞力爲主而資本則非其所要而備力於他人以得報酬者蓋少有之古之所以一人勞力足以養八口之家而有餘者職是之故也

(乙)複雜經濟組織 國家既因交通發達而爲統一的綜合的國民經濟矣而此經濟社會之中有生產交易分配消費等四種之經濟行爲矣於是或呈積極的作用或呈消極的作用互爲因果表裏爲用而經濟之組織生產之組織亦自複雜向之經濟主體經濟行爲者屬於同一人者今則不必爲同一人矣向之生產組織僅爲土地勞力且專屬個人之所經營而今則土地勞力之外又必有資本並須有綜合此三要素而從事生產之企業者且不必爲個人之所經營而或各異其主即或非各異其主亦視資本之有無以定分配多寡而實際仍有四種之人格四種之所得者也向之爲獨立勞動而今則爲賃銀勞動矣且分配制度之基礎即根此經濟組織生產組織之如何而決定之者也然經濟組織與生產組織愈複雜則直接間接參與分配之人亦愈多而勞動者之所得必愈少且其分配焉又難期其公平勞動者與雇主間之契約雖爲自由然因實業不發達法制不完備既無勞動保險之機關又無勞動介紹之團體勞動者每以不得謀生之處爲憂於是雇主往往以不法之條件相強常不能得至當之賃銀若考之實際今日一人勞力之所生產者或有過於昔而無不及者不過不能以所生產者盡爲己有僅得少數之報酬

而已然則勞動者之所以生活困難非今日之勞動者之能力遜於昔也亦非今日一人勞力之所生產者少於昔也實因經濟組織之複雜分配之不公平耳又何他故之有哉

(三)實業不興 人類之生殖欲既發達而一國之人口必逐漸增加世界既交通而生活程度必隨之增高人之謀生亦必愈覺困難然國不患人口繁多生活增高患民無謀生之路衣食之源也然民之衣食之源果何自而出也則不外振興實業而已蓋實業發達則爲民開謀生之路而遊食之民必少遊食之民少則間接參與分配之人自減間接參與分配之人既少則直接參與分配者之所得之量必多果能盡其勞力自可免於飢寒在前述制度與經濟尤爲各國普通之弊源而在實業不發達則爲吾國特有之弊原蓋人口倍蓰於昔生活超邁於古實業未見發展生產增加無幾生谷之土未盡懇山澤之利未盡出所謂野有遺利民有餘力欲無凍餒能以免乎一身猶且不免於凍餒而况八口之家乎然則實業不發達亦未始非生活困難之一弊原也

綜上所述觀之則知私有財產制度之結果遂有資本家之出現資本主義既發達遂使經濟組織亦變遷而經濟組織既變遷則分配之不公平亦因而起也此蓋因果之關係連帶之結果社會進化之自然非吾人類之所能幸免者也而吾國既爲私有財產制度矣經濟之組織亦既變遷矣而又兼之實業不興雖未有如歐美之大資本家發見而勞力者亦每以不得謀生之路常受雇主之苛待未能得公平之分配遂不免生活之累或以爲今日勞力者之不如古蓋以賦稅增加生活增高物價騰貴

之所致殊不知此等事項之變化初無甚關係果能實業發達而又有勞動組合勞動介紹勞動保險種種救濟以使其分配公平又何患生活之高增物價之騰貴賦稅之增加哉且今日之賦稅亦未必即多於古之什一之徵也果如所言是必生活不增高物價不騰貴勞力者之生活始能裕如則不啻使社會永不進化而後可豈確論哉此蓋僅從消費方面觀察而未從根本研究之也故吾謂今日社會上以勞力度日者終歲勤苦而不能自給衣食者實由於國家制度之不良經濟組織之變遷實業不發達之故也豈有他哉

中國勞動者之貧困原因

馮漢賢

勞動問題爲今日社會最重要之問題也應付偶有失當即蒙不測之禍我國雖無特別大資本家壟斷一國之經濟激成英日等國之同盟罷工俄羅斯之勞農主義然而資本家坐擁厚資爲所欲爲勞動者劬勞終年僅能餬口貧富懸隔至此已達極點若不未雨綢繆設法救濟則來日之大難止不知伊於胡底茲先言其貧之原因約畧徐圖救濟之方策焉 其一生產者少 孔子生財大道首在生衆食寡今日吾國情形實與此言相反號稱四萬萬人民除婦女老幼官吏兵警以及其他不生產者外所餘不過十分之一以此少數勞動者所生之產供給全國人民之消費不啻一人勞動九人坐食故有供需不濟之現象且又不能因勞均產使養其數口之家僅給以價值日減之少數金錢以爲勞動之報酬此勞動者所以不能不貧困也 其二人口增加 古代人口稀少土地寬闊有周每夫受田百畝稅且出自公田故以一人勞動能養數口之家後世生滋日繁患在人滿即令按人均地如我省可耕之田五十餘萬頃分給一千二百餘萬人民每人應得不及五畝其較周人百畝相差遠甚所以今人謀生難於古人者也 其三私有制度 天生蒸民愚智不齊以不齊之人民使之自由營私智富愚貧不言可知故自秦廢井田許人買賣以來即生富連阡陌貧無立錫之大弊况乎二十世紀資本萬能神聖立法之議員由金錢可以買賣堂堂一國之元首非資本不能選出假就令擁資鄉里亦不失富家翁之身分豐衣玉食嬌妻美妾左呼奴右喚婢揚眉吐氣樂逾古之人君自身揮霍一

世然後傳於子子孫孫職是之故苟能金錢到手雖背道德喪廉恥賣天良陷戚友而不能顧於是或以商業壟斷市場或以債權盤剝勞動俾勞動者手足胼胝終日辛勞父母仍不免於凍餒妻子仍不免於離散較諸資本家之尊榮實有天淵之別也 其四政治腐敗 政治之目的在乎維持人民之共同生活與助長人民公共幸福也試考列強政治大抵類斯原則恐資本集中於少數人焉有所得稅繼承稅之限制恐勞動者陷於悲哀境焉減輕穀棉鹽等稅設失業救濟場所勞動時間及工銀均有妥善之規定令貧富處於相安不生若何衝突方不愧於優美之政治返觀吾國鼎革以遠迄今十稔而根本憲法尙未產出民法一部多仍清律之舊對資本家既無特別之制限對勞動者復無何等之保護視勞動如腐鼠一任資本家之宰割故鞭撻勞動之事時有所聞殘害勞動之案數見不鮮似此殘無人道理應置法以繩然彼恃其銅臭或行賄以特赦或納賄以減刑亦可逍遙於法律之外誠勞動者地獄時期資本家之黃金時代而政治之腐敗由是可見一斑矣 其五軍制不良 民國元年全國約有五十萬軍以後私招新添增至百萬以上爲大戰以前美國之常備軍十餘倍英法之常備軍二倍餘似此厚雄兵力可以稱霸東亞與列強並駕齊驅孰意對德宣戰未出一兵蒙藏背叛不敢過問祇能同室操戈作鬩牆之戰爭或南與南戰或北與北爭或南北戰爭所損失者人民之脂膏也戰場所死亡者中國之健兒也然則今日政府之債臺累積人民之號寒啼饑豈非軍制不良以致內訌不息之賜乎夫吾國藩鎮跋扈之禍歷代多有周之諸侯漢之七國以降而晉而唐而元而

明而清靡代不受其殃原其禍之由來無非兵權過重尾大不掉而已特以習焉罔察而不改弦更張
賈誼治安一策雖有特見其如漢文不用者何元年各省之都督兼握民政實權已蹈歷代藩鎮之
禍因康熊諸公之軍區主張等於第二賈生結果爲今日之大亂類仍稍有歷史知識者早當鑒及之
矣袁氏當時倘能用康熊之策依各省之道數劃爲軍區不設都督軍區長直隸中央以二十萬軍駐
於京師餘三十萬軍分駐所劃之軍區勢力弱孤掌難鳴孰敢抗顏從事作螳臂當轅之嘗試內地
若不豆萁相煎蒙藏亦必俯首聽命此時以新添私招之軍費一方屯墾蒙藏牽制叛亂一方設置工
場消納勞動則勞動者雖不能遽然富庶決不至如今日之痛苦乃袁氏不此之圖位置私人畀以大
權欲成其皇帝大夢致有現今上下交困之局勢也噫 其六交通影響 當閉關時代人民雖分貧
富國君雖有堯紂而一國財產之總額決不出乎君民兩方楚人失弓楚人得之斷無漏卮之弊所以
勞動謀生較爲易易今則世界交通海禁宏開一國財政之盈虛恒受世界之影響故我日開交通以
來財產損失不知幾千萬億而市面之物價亦因之驟增數倍曩之豐衣足食者今漸覺其不足也曩
之以身度日者今則益形竭蹶矣蓋清季穀價每斗不及二百制錢而常備軍一月之餉可得銀四兩
五錢現在穀價增至六七百文軍餉仍與前同無形之中已減少勞銀數倍而高等小學夫役工資尤
爲低廉每人月給只有三元其生計之困難不言可知由是一節足證交通之影響於勞動者鉅且
大也 其七海關係約 吾國工商幼穉盡人皆知無可諱言與外人平等貿易亦必相形見拙而况

各國海關悉採保護政策裝獎勵輸出限制輸入我國獨受海關係的之掣肘輸入之貨僅能值白抽五輸出之貨又以財政竭蹶之故不能低減稅率所以外來之貨物日多一日中國之財政以年繼一年以致富者轉貧貧者益困而勞動者之生活尤屬不堪聞問矣 其八後儒誤國 今日勞動者之窮蹙後儒使之然也或者不察以後儒治國無狀因而罪及孔子其以孔子對子貢貨殖則曰賜不受命對樊遲學稼則曰不如老農爲貽後儒不重實業之先河殊不知聖人之治國家也猶良醫之治人疾也乃因病施藥對症下砭耳故夫大禹治水武王伐紂孟子論義仁講農桑所爲雖似大疎而其爲民除害興利焉一也常春秋時代國家所病者不在實業不振民無衣食而在篡奪相尋倫常墮落也孔子所以不講實業日事口誅筆伐者無非挽頹風濟世道以求人民之長樂久安也若必以今日實業不振強責數千年前之孔子何啻今日死於百斯篤而謂扁鵲華陀非良醫天下寧有此理乎所可恨者後之儒家儒衣儒冠洋洋自得開口仁義禮智提筆詩云子曰人以聖賢稱之已亦聖賢自居然買誼上策裕中時弊詆曰智大量小安石新法本可圖強營曰不近人情復誚商爲市井小人工爲奇技營巧將後人前進改良之心思消滅於不知不覺之中然則今之國家貧弱勞動失業者咸孔孟後子儒家有以使之然也設使後儒能以前聖之心爲心應時勢之要求或興實業以備軍實或倡殖民以濟勞動則安南暹羅緬甸朝鮮等屬國可隸吾國之版圖臺灣澎湖香港等之本國領土何至割讓於他人而我今日之弱勞動者焉有現在之貧乎或謂專制時代大權在君一般儒人烏得奏此膚功

不知士有振衰式靡之責與移風易俗之任已爲今日人公認老生常談矧進而爲儒自以爲聖乎且專制人君亦非不喜振實業興殖民也觀夫漢之勸農詔明之立鈔法鄭和之下西洋項城之治朝鮮可以知之矣然則後儒誤國病民之咎雖百喙不能辭也 以上八端有一於茲已足使勞動者生活不安况其備一時者乎是以在位君子憂國志士無不怒焉傷之而一般武人政客利欲薰心鷓蚌相爭遷延既久不爲外人越俎代謀共同管理即受勞動黨以可乘之隙羣起叛亂以實現其共產主義不幸至此則四千載之文明勢必付於東流四萬萬之人民亦將置之倒懸故曰勞動問題爲今日社會最重要之問題也

111111

統治權與主權之區別

陳天祥

愚於憲法行政法及國際法上嘗見有統治權(Herrscher Gewalt)與主權(Sovereignty Sovereignty)用語，輒欲究悉其區別之所在，蓋此兩權之觀念，在國法學上爲最重要而最易混同者，故不得不嚴爲區別焉。統治權與主權之主體，皆爲國家，欲明二者之區別，須先曉國家之狀態，國家之狀態明，則二者之觀念亦易瞭然矣。現今國家之狀態最普通者，爲單一國，單一國外，尙有所謂複合國者存在，前者如英法日等國是，後者如德美瑞西等國是。在單一國家，則統治權與主權之觀念，本爲同一，特以觀察之方面不同，故用語亦有差異。在複合國家，則二者之觀念，顯然有異。試申其說，國家對於人民有得以無條件而拘束其意思並強制其服從之意思之力者，曰統治權。統治權之對內關係上不容有制限國家之他種權力之存在，對外關係上不能反乎國家一己之意思受外國權力之制限，而有獨立與最高之性質者，曰主權。單一國家之權力，俱備上述之要件，（即俱最高獨立之性質與無條件約束人民之意思並強制其服從之力）故名之爲統治權，可名之爲主權亦可。唯因學者間多有謂其對內之關係爲統治權，對外之關係爲主權者，其本來之觀念，固一而二二而一者。也在複合國家，如現世之聯邦國，則聯合各國之權力，非必具最高獨立之性質，蓋因組成此聯邦國之聯合各國，其上更有聯邦國家之中央權力也。聯合各國，不過有統治之權力而已，於此統治權力之上，更須受中央權力之支配焉。前不云乎，

國家權力之對內關係，不容有制限國家之他種權之存在，而具最高獨立之性質者，乃為主權。苟不具此要件，則僅有統治權而無主權也。明矣。由是觀之，單一國家之權力因無較高之權力支配於其上，具最高獨立之性質，為主權。亦為統治權。祇因觀察之不同，故有用語之差異。複合國家之權力因有中央之權力支配於其上，不具最高獨立之性質，其中央權力之具最高獨立之性質者，稱為主權。其不具最高獨立之聯合各國之權力，稱為統治權。是知主權之上，不容有較高之權力之存在，而統治權之上，則不妨有較高之權力之支配於其上也。

第二 各國貿易之逆調

外國品輸入之額。較比內國品輸出之額。超過者。實為中國對外貿易之一特徵。自清朝入關以來。除一八六四年。與一八七二年以至一八七六年之六年間。貿易之輸出額。略見超過外。其後以至近年。而輸入額之超過。平均常在一億兩以下。茲為避煩計。特將自一九〇一年以來之輸出入表。舉之如左。

年份	純輸入額	純輸出額	輸入超過額
一九〇一年	二六八(本位百萬兩)	一六九	九九
一九〇二年	三一五	二二四	一〇一
一九〇三年	三二六	二二四	一一二
一九〇四年	三四四	二三九	一〇五
一九〇五年	四四七	二二七	二二〇
一九〇六年	四一〇	二三六	一七四
一九〇七年	四一六	二六四	一五二
一九〇八年	三九四	二七六	一一八

一九〇九年	四一八	三三九	七九
一九一〇年	四六三	三八〇	八三
一九一一年	四七一	三七七	九四
一九一二年	四七三	三七〇	一〇三
一九一三年	五七〇	四〇三	一六七
一九一四年	五六九	三五六	二二三
一九一五年	四五四	四一八	三六
一九一六年	五一六	四八一	三五

由一九〇一年至一九一六年，十餘年間，而輸出額無年不遜。雖於一九一七年四月以來，將鴉片之輸入禁止。歷年超過之積勢，固不無少見和緩，然其大勢，依然自若。殊難謂其可以反手也。

若只貿易上輸入額之繼續超過，殊不足憂。蓋英、法、德等國，固工業先進國。其貿易亦常見輸入超過。秘露、暹羅、SAR Daminga 等貧弱國，仍常見輸出之超過。然而先進諸國，以其對外之債權抵銷貿易上之輸入超過。尙且有餘。而後進國之輸出超過，又須以之充其對外債務之清償。其結果仍爲無益。然則在中國當如何。以其財政狀態觀之。非惟貿易以外之貸借勘定，不能抵銷貿易之逆調。而尤年以新

外債之增加爲必要也。若然，則貿易上之輸入繼續超過，斷難謂爲中國財政之樂觀者也。

貿易上年年繼續輸入之超過，頗非利益之影像。其理由因由於政治上，財政上，經濟上，種種之原因。而其最主要者，則不外矛盾的關稅制度之影響。可則，在現行關稅制度之下，有使外國品之容易輸入，內國品之難於輸出故也。詳言之，即（一）輸入稅被協定爲從價五分。其率甚低，依近年（戰前）銀價下落，物值騰貴之趨勢，而從量稅中已多低落於五分以下。況從價乎？因之外國品所負擔的關稅，日益輕減而易來矣。（二）輸出稅其在從量之品，雖甚低減，然基於財政上之必要，今尙不能遽爾廢除。（三）內國關稅妨害貿易交通的程度，雖於輸出入品之場合，俱爲已甚，而於茶絹之重要輸出品，特爲尤焉。（四）因穀物輸出之禁止，而各種農產品之生產，與輸出之增進，遂大受阻害。茲四點世洵矛盾的關稅之結果也。然則欲免却貿易之逆勢的方法當如何？除以消極的手段與輸入貿易以障礙及以積極而手段增進輸出貿易外，別無他道。但國家欲施行此種目的之政策，豈不無多種之態樣。然關稅政策上之手段，第一須高築輸入稅之牆垣，使外國品之難於進口。藉以助長內國產業之發達。第二對於輸出貿易，當直接間接以講求其獎勵之方。但第一之情形，惟關稅主權自有之國家，始堪實行。非關稅權受條約束縛之國家所能奏及也。雖然，而第二之情形，則適相異。使中國採用諸文明國之制度，三列國非特不欲插入異議，而寧爲其所歡迎。觀此，則中國政府，將欲避每年繼續的貿易之逆調，與外債

本息之支付及國家財政上之窘礙的險像，可勿急急焉於輸入稅率增減之如何。宜先進而剔除其有害貿易之輸出稅。及其內國關稅為必要也。若然，則宜盡一切手段，以將求輸出貿易助長政策之為急務也。

(三) 對外貿易額之過少

夫中國之對外貿易，近見增加。自一八六四年以來，半世紀間，其增進之跡，約達八倍之上。亦不可謂之不速矣。第以其國土人口相為比例，則其對外貿易額，又不可不謂為過少矣。茲將一八六四年以來，輸出入額列之於左，以供參較。

	輸入額	輸出額	合計
一八六四年	五一	五四	一〇五
一八七四年	六四	六六	一三〇
一八八四年	七二	六七	一三九
一八九四年	一六二	一二八	二九〇
一九〇四年	三四四	三三九	五八三
一九一三年	五七〇	四〇三	九七三

據右列各年內之數目。觀之。中國在外國貿易額最高之斗。(Paris Year) 以一九一三年爲最。然以其國人口計之。(假定爲四億即四萬萬) 則每一人之輸出入貿易額。不及於海關兩之二兩五錢。可謂之多乎。推求其因。雖不少其主要之點。而其輸出貿易之所以不振。實乃由人民之購買力。不能增加其度也。且加以交通機關之幼稚。內國關稅之存在。以及於新奇的輸入品日觸於內地人民之購買者之眼也。如此而欲喚起其貿易之興味。與欲望。殊甚難矣。

以中國之貿易額。比於同居東洋之我國。在同一期間內。貿易之長足的發達。其見遜也。當不待智者而知矣。我國當明治元年之際。其輸出入總額。僅二千六百萬元。迄歐洲戰前。大正二年之貿易總額。已達於十三億六千一百萬元。只數十年間。即呈示五十倍之增進。而中國何如乎。元來外國貿易增進之趨勢。較小之海國。與較大之陸國。新進國。與老廢國。固不無遲速之差異。蓋小海國常以國內之原料品。及食料品。等之缺乏。而不得不注其全力於對外貿易。爲必要而。大國則反之。蓋其地土之大。物資之種類繁夥。供給力天然豐富。何依乎外國之貿易。恒自然傾向於自足自給的經濟之營謀。若夫新進之國家。與前者之小海國。又不相同。一依其交通之發達。新企業之勃興。以冀與已達於一定之化程度之舊國相並肩。汲汲焉。惟恐不及。故其卒也。兩兩相形。而貿易上之進步。早爲舊國所矚目矣。然則以中國之老

大陸國的貿易。與我日本之小海國的貿易。一事比較。雖或不如。然以之與面積人口相近似之印度。爲對照。則非不可也。乃印度久踞於英國勢下。而爲其屬邦。其人民素質。固不必優於中國人。且英國對於印度。爲植民政策。原不以印度之利益爲本位。而其貿易之駕於中國者。猶約在二倍之多。此其故何歟。推厥原因。則在彼此兩國間政治之良否。而政治之良否。則以經濟政策之如何爲其準則耳。印度雖居於英勢之下。而其交通機關之普及。灌溉排水工事之設備。及農業之獎勵等。任何方面。無不施以積極的經濟政策。而在中國則所謂如此經濟政策之設施。殆屬絕無者也。不特無其設施。而於其關稅制度。猶採用交通貿易之妨害主義。而政府之所存者。只一徵稅機關而已耳。是兩國之外部關稅。頗相類似。然一則早稅其內部關稅。而一則益加繁苛。此中國雖天然的資原風土。與氣候之變化。人民之勤勉等。遙駕印度而上之。而其貿易額。終不克企及者也。且中國與英俄美等。皆爲世界有數之大國。而對外之貿易。若以人口相比例。除土耳其外。則居於列國中之最下位者矣。

第三章 及於政治上之影響

中國關稅制度之及於政治上的影響。因外部關稅與內部關稅之不同。遂全相反。我輩欲明其所以影響之處。當分之爲第一。及於國內之政治的關係。第二。及於國際的關係之二點而觀察之。試述之於左。

第一 及於國內政治的關係之影響。

外部關稅。以所課於對外貿易之輸出入稅。爲海關稅之主要部分。第海關稅爲屬於中央政府所管轄。而將其征收機關。即爲其管理機關。當未與列國締結條約以前。在廣東之粵海關監督（Hoppo）爲北京宮廷之所任命。故其收入之一部。少亦須送付於帝室。即中央政府。自南京條約締結。而五港開放以來。一時固將其征稅事務。委任於地方官憲。而其收入名目上。仍依然歸於中央政府。依一八五六年之通商章程。始將全國之海關。盡任外人。以行海關制度之統一。而海關稅之名與實。又不得不舉歸於中央政府矣。使海關稅果能依外人之正廉有能的行政。則按其收入自當年見增加。不特爲政府之一美好財源。且足以強固中央政府之地位。即因之以實現中央集權之政治。亦絕不無其力焉。特中國於歲入上。係採地方分担主義。而可視爲中央政府直接之重要收入者。厥惟租稅。而又屬缺無。分担者不可必。直接者爲缺無。而海稅關稅急矣。蓋海關稅之確定的收入。實有與於政治上之昭彰強大之效果也。約言之。海關與海關稅所影響於國內政治上的效果。當有左述之二點。

一 中國中央政府之收入。爲由各省分。担送付之金。平時因常不能如命實行。苟一遇有國內之擾亂。則更以之爲口實。而各地所應送付之担稅。盡行停止。不爲輸解。或者尤藉之反向中央要求補助金。以挹注地方。是中央於平時最可信賴之財源。厥惟海關之稅收而已。然而亂時是征收之數。不能不少受其影響矣。

二 自清日戰爭以後。屬發生政治上之危機。與財政上之窮迫。特以有海關稅之存在。即確實担保品之存在。而募集外債。尚非難事。所以中央政府尚不急於租稅之增征。而國內雖屢次發生變亂。分裂之危險。而猶不至有所莫避也。

雖然。海關稅與內國關稅異。而占內國關稅之重要部分者。為釐金稅。其始課也。以地方政府之收入為目的。而其發達也。亦依地方政費之必要為左右。故此項稅收。實為地方財政一必要不可缺之財源也。因之。而釐金稅。又可利用之為肥飽地方官憲私囊之手段。而於政治上為維持地方分權制度之主張起見。動輒藉以為反抗中央命令之武器。此無他。蓋釐金稅之廢止。雖已由外人之唱導。而中國人之識者中。尚缺其附和。故其止之欲期於實行。洵非易事也。

要之。中國以地方權之勢力強大。而中央集權制因之難行。蓋其國土形大。風情不同。兼之交通不便。而地方關稅之存在。遂為其政治統一之一大障礙也。彼德意志帝國之統一政治。首自促進關稅同盟始。北美合眾國獨立後。在其一七八九年之新憲法第一條第十節規定。將各洲所有之關稅賦課權。為之禁止。夫中國政治之形式。頗類似此兩國聯邦政治之體態。何不取鑑先例。而建樹統一的國家於政治之上哉。然則欲中國內政之改進。不可不首先斷行內國關稅之廢止。從可知也。

第二 及於國際的關係之影響

中國外部關稅。其始即將稅率與課稅手續。規定於通商章程。故歐洲諸國對之。無發生下二問題之理由。即（一）關稅戰爭。（二）報復關稅等是也。蓋全國各港口之征稅事務。無不一任外國人。而委之以全權。則關稅行政上。當然不至惹起國際上之紛議。設使其海關事務。一任中國人爲管理。勿謂常有惹起其他問題之機會。即日常之課稅上。與外人間感情之衝突。主張之悞解。條約解釋上之差異等。繁瑣之爭紛爭。斷不能絕。而政府將苦於國際的交涉事件之續發不窮矣。

雖然。中國之外部關稅。及於國盜的關係。不止於關稅行政上之場合。殆更有其重要者。即中國之紊亂的行政。及財政組織中。獨以正廉有能之外人所管理之關稅征收機關爲存在也。而其所以爲此者。亦不外於博取國際的信用關係已耳。然外人不徒據中國之一行政機關。而且有其半獨立之管理。雖近時中國之一般青年。以爲有損獨立國之體面。援爲恥辱。因不無反映。然其所與於中國過去及現在對於外的關係之偉功。要有不可遺忘者。今舉二三例証如左。

一 自中日戰後。列國對於中國利權之競爭。已極其激矣。蓋列國以應中國之外債爲報酌。而咸異其重要政治的權利之獲的者也。當時若使中國以外人所管理之海關爲外債應募之條件。則將或者要求領土之分割。或者要求外國委負財政管理。而中國早已爲第二之埃及矣。其所以能免此危機者。猶幸有外人管理海關事實之存在。而各債權國皆信賴之。而以爲債權之担保品也。



(二) 當團匪事件發生之際，列國曾以巨額賠償金要求於中國。但觀察中國之財力，斷非短期間所能盡為支付者。於是以海關稅作為主要之担保。將該賠款改為三十九年之長期外債。俾其負擔稍為輕減。若彼時以海關之特別征稅機關為担保，則列國必不許以如斯之輕易條件。而為賠款之償還方法。將行或為領土之軍事之占領。或為領土之分割。少亦須惹起一般財政之國際的管理問題也。

(三) 當一九一二年中國革命旗舉，而政府之財政機關，遂完全停止其作用。對於外債之義務，不能如期以履行。此時列國直有其內政干涉之權利。而其所以不此現者，以有外人所管理之海關存在故也。蓋唯此機關為有管理關稅收入之權。而可以其全部收入為外債支付之抵當。此外尚有何等的重大之國際關係發生耶。故其政體之變更，猶若反手然。

(四) 除上所述外，海關在中央有總稅務司。在地方有稅務司。而過去六十年間，直接間接所與於中國外交上之有益的忠誠占援助，誠不遑枚舉。而就中以中英雲南事件，清法東京事件之平和解決，團匪事變之際，各地動亂之防止，及制限，為尤較著者。且其革命後，各地內亂，時發不已。值此之際，而猶能不忘於外債義務者，豈非外人管理之海關尚為存在之效果耶。

外部關稅在國際間之情形，已如上述。內部關稅，大部分稅率煩雜，課賦法亦毫無定規。一依稅吏之擅

爲決定以致內地稅局與外國商人間時起紛議。元來外國輸入品及內國輸出品條約上利用子口稅制。以免內國關稅之繁課。似與外人一特權。然以地方稅局貪婪之故。對於有子口稅單保護的貨物。輒以種種口實。抑留勒索。以圖其公私收入之增加。於是外商常蒙意外不測之損失。又對於其本國人持有子口稅單之貨物。而行誅求時。表面若無外人之直接損害。然有取引（即交易）關係之外商。於貨物買賣中。而此種誅求之金額。從而加減。不亦分担其間接之損失乎。惟此種非正式賦課之紛議。常發生於商埠距離較遠之地方。以各官憲之管轄不同。欲爲解決。須費幾許時間。與費用。故受損害之外商。雖常要求其領事之外交的援助。而究莫得其成功。是條約上所規定之子口稅制。不惟無其遵行。而且無適當之勵行機關也。雖然。而其根本理由。則以內國關稅之存在。貨物自由交通之大妨害也。若以國交上之見地觀察之。其廢止誠不可一日緩焉。果其廢止。須防再興。故有須設相當規定之必要。就此默言之。則中英 *Maekay* 條約。即爲裁決關於內國諸稅不正賦課之紛議。而行立中外官憲之會訊制度。不可不謂爲當於旨察者也。



冀校長對於法十四班政六班卒畢業諸生訓話

六月十六日

武紹岳
金福海筆記

諸生畢業試竣，分袂在即，良晤匪易，今日聚首一堂，予胸中有無限感想，回憶四年光陰電光石火，直一瞬間事耳，此四年來諸生在校經歷，與學校之進步，前後何如，而校外周圍景像如社會狀況國家政局，又何如，諸生四年來雖奮勉力學，而爭外交爭內政犧牲，自己不少時過境遷，成效何如？

以校務論，初入校時管理極嚴，星期三六，尙不准請假出門，一切^傳尙整齊嚴肅，人或疑咱校純是嚴勵主義的教育，其實非也，以過渡時代承數年紛亂之餘，不如是無以振作，諸生在當時或亦怨恨，在予心亦根本不以爲然，并不願諸生後日辦學亦墨守此一味嚴厲的辦法（且對人嚴厲須先對自己嚴厲，諸生若用嚴法須注意此點）特以經過爾時嚴厲始有今日成績，近來社會上羣願以子弟送入吾校，深信不至於壞其子弟，此卽當時所收效果也，比年以來，諸生自治能力日進，學校管理亦漸覺寬大，蓋校風既成，校風大足以管束諸生之行爲，較學監督察爲尤力，諸生自覺以爲何如？

予在本年本校紀念前，心以吾校校風已經十分養成，紀念而後，又認只爲八九分矣，蓋本年各項游藝，如制憲審判六七團體，純出諸生自動，運用平日所^學的學理，表現於游藝事實，教職員不加絲毫贊助，以視前幾年由教職員籌劃指使者，成績且有過之，就此點觀之，確足十成，但紀念日行慶祝禮時，予故意不點名，以試察諸生心理，屆期不到場者尙有十之二三，吾於此始覺對於諸生之學識與辦事能力，

雖差堪自慰，而受戴學校之誠，尙不足也。此點余認爲關係甚大，非諸生之課本知識與辦事能力所可比。故余甚注意焉。然使在四年前，則不點名，即恐無人到矣。此則校風進步之情形也。諸生自覺之乎？再就物質方面言，四年前門宇傾隘，禮堂缺如。現有運動場，尙爲鄰家空地。今則崇樓高聳，氣像莊嚴。禮堂之內，濟濟雍雍，更觀此次運動所拍照像，則平原廣坦，古木森然。諸生值其下者，大有英挺不拔大樹將軍之概。余願其間自覺快幸無似矣。而課程方面則現今本校講義無一種不以現行法或草案爲主。從新編纂而諸生之外國文程度，每班能讀原文書籍者十之七八。予信專門學校學生能讀外國文而讀之如此勤勉，日夜參攷不倦者，在此數年中當不多見。此諸生之所親歷而無待余言者也。余二次重長斯校，其四年有奇過去，如斯倘能自尺竿頭更進一步，學生自治能力進至十分，則學監制可以廢矣。本來專門大學學生，皆已成年，對法律對校章，均各能自負責任。學校授人以學術，學生來校爲求學，焉用管理，諸生讀書，乃爲諸生自己安用督促。

對於校外景像，則若提之與校中比較，實覺相差太遠。連年內訌，民不聊生，號稱大人物者，心非口是。今日曰「絕不干政」，明日曰無治作用，其實赤心愛國，光明磊落，則干政何妨？有政治作用何妨？言不干政，而視內閣爲外府，置總統如易棋，政治行動歟，法律手續歟，諸生細思之，我希望諸生日後作事，莫學今日中國的大人物，須磊落光明，名符其實，莫做鄉里頑童，一經鄰人稱譽，便倒亂胡行，無所不至。

試觀歷年報紙上一鼓吹某人好，某氏英雄，中國富強，希望某人，不久某人便要作禍首罪魁，諸生今日一經畢業考完，按普通說來，此後便是入社會作事的時候，按諸生所學的法政說來，便是要入門從政了，可是諸生若贊成我中國今日政局上的事情，則鄙人今日之言是與諸生的心理相左，若是不贊成呢，則諸生所學過的課本上面，恐怕尚缺乏與今之從政者根本上可以立異的道途，蓋今之從政者，豈盡是不學無術，又豈盡是未曾受過學校教育，明明是有掛博士學士畢業生，頭銜的許多人在內，諸生細思之，假使諸生能將今之從政者，盡數揆除，取而代之，能信不陷於以暴易暴之地位乎？若諸生謂能自信，則敢問把握安在？更問現在我山西的太平是不是專靠着課本上的工夫？凡人做事，須識得大體，若謂居尊處優，「吃番菜」，「乘汽車」，則盡人而能為偉人，臨大事而不糊塗者，斯真偉人之所以為偉人也，若僅僅為口腹耳目之慾，則所謂存其小體，小人而已，偉處何在？然則何謂大體？曰性便是大體，天命之謂性，性就是大體，本是人人皆具的，特蔽於物慾，則日見其小耳，大學首言明德，就是教人保存其大體，而不至日削日小者也，諸生今日畢業之後，勿以為便不是學生，須知今日之卒業，不過是「板橙的生活」告終，而求學生活，則前路方長，他日為聖為賢，無限事業從此學起，即做事業，亦不可將「學」字拋去，事業觀念充滿於中，則患得患失，無所不至矣，正如今日所謂大人耳！何足道哉？

昔人謂「學成致用」，今人遂謂用時便無容學，此大謬也，我希望諸生從此勉學真學者，斷無餓死的，

縱或不幸而不免^於餓死一途亦是志^士不忘在溝壑勇士不忘喪其元學得個志士勇士便算不枉學一回在諸生爲盡性立命在學校亦是莫大光榮也就是大用了。況以諸生現有的法政經濟思想去讀舊書，則中國學問內寶藏正富且學且用前途甚大，我國今日之人絕少有以真正的中國學問去做事的，其結者不過是靠着由社會環境中所歷練來的油滑手段爾虞我詐，恃爲得志，冀以一手掩盡天下耳目，實則變諸環境而謂環境之人不能知也，豈非自欺之甚者哉，豈非不學之過哉？試爲諸生舉一趣例在外國近年來有工人罷工在我國則前幾年有學生罷學其後教職員罷課官吏罷職軍警罷崗究竟誰學誰來，前清的賣官，現在的賣議員，又是誰學誰來，一套醜劇彼此抄襲而已有何深意所以孟子子謂「上無禮，下無學，賊民興，喪無日矣」可見只要下不忘學，則賊民興喪無日的結果，尙不能見，若要把學字^撤開，而謂諸生今日出校，他日能保不排演余上述的醜劇者諸生能自信乎，能不爲促國家喪亡之一因者，諸生能自信乎。

余亦知，諸生畢業於學校，家中對之，必有若干希望，若仍是個爲學，縱諸生能忍之，室人交責，情實難堪，莫若混得幾十塊聊滿家人之望，余以爲此諸生畢業後第一關口，此關守不的，則萬事休矣，諸生要知僅爲得幾十塊，則何必爲學，今天下之月得幾十塊，且得幾十百千塊者豈盡是學者，何驅何迫，而必走此窮路，諸生之必走此窮路也其必於幾十塊以外而別有求也，諸生之父^光而使諸生之走此窮路也

亦必是於此幾十塊之外而別有所爲也。當年之希望，在彼而今日所以希望者在此，豈非自相矛盾？豈非求登喬木而入幽谷，況必欲得此幾十塊者，爲養小體耳，爲維持小人耳，寒窗十載，而學得一維持小人的本領，可恥孰甚，以較受家人之交責，良心上自覺何如？

諸生此後，但望將本校校訓「忠信篤敬」四字，身體力行，不患無致用處，以讀書爲主，做事爲副，校內圖書館，萬卷藏書，儘可取閱，果能立志好學，則一切世俗煩惱，皆可解脫，攷入育才館，固當讀書，求學未攷入育才館，更當讀書自奮，總使一生賦閒，居家讀書，自有真樂，設家人以不見用於世，來相詰責，儘以好言安慰，自己若不能忍，則誦「君子憂道不憂貧」等句以自慰，若萬一到不能生活的地步，則誦「志士不忘在溝壑，勇士不忘喪其元」數語，蓋世亦有潔已奉公，求爲好人，而終不得爲好人者，無他學不足也，諸生直能學此，則在此法校所學之一切功課，將悉化爲神奇妙品，若以幾十塊爲目的，則一切功課，將悉作爲腐敗糟粕，文天祥是狀元，秦檜亦是狀元，諸生須辨之，今人詆「講章句」「做人股」者爲「老腐敗」，余以爲迷信外人，只要見諸斜行文字者，不過是彼方一學究之言，亦奉爲金科玉條，而於我國聖賢正條則不值一顧，是乃「新腐敗」矣，願諸生勿爲「新腐敗」。

丁茲亂世，需才孔急，舉世昏昏，吾輩正應發憤爲學，前日在大自省堂，曾聽趙次隴先生講孟子之學，謂孔子之政高不易及，欲標孟子學術以救當世，諸生當有會聞之者，今畢業有暇，曷亦取孟子而細讀之。

則於在校所學必有點石成金之效，機益無量，莫徒作悲觀，亦勿與世浮沈，是所至囑。若夫世俗之毀譽，浮雲的富貴，俱不足計，蓋「聲聞過實，君子非之」，「鄉人皆好謂之鄉愿」，我行我志，他無所知，臨別贈言，如是而已，諸生其勉之。



本校已畢業學生在社會服務情況表

法		界別	姓	名	職	務	地	點
	薛篤弼	司法	次	長	司	法	部	
	田貴雯	司法	部	秘	書	全		前
	陳柏千	推			事	哈爾濱	地方	審判廳
	楊拱宸	推			事	大同	高等	審判分廳
	劉廷鼎	同			前	河東	高等	審判分廳
	焦玉書	同			前	黑龍江	長春	高等審判分廳
	李生華	候補	推		事	河南	開封	地方檢察廳
系	聶重義	司						司廳

○雜纂

今人應有之大覺悟

愚人夢語

今之恃形式票選者回想洪憲的各省區投票當恍然大悟

今之崇拜歐美式的教育實業者環觀他們的貧富懸隔率機器而食人內的情狀當恍然大悟

今之命爲軍事大家者讀孟子「率土地而食人肉罪不容於死」之語當恍然大悟

今之演白逼宮者看到司馬師之紅逼宮當恍然大悟

今之談政治改革者問夷齊「以暴易暴不知其非」之語當恍然大悟

今之自命爲教育家者閱申報「軍閥殺人於現在教閥殺人於將來」之語當恍然大悟

今之畢業學生終日奔走不遑寧處者讀孔子「君子謀道不謀食」之語當恍然大悟

今之勞動家爭身錢而罷工者讀禮運「力惡其不出於身也不必爲己」之語當恍然大悟

今之擁厚資而橫行者讀孔子「未若貧而樂富而好禮」之語當恍然大悟

今之坐汽車吃蕃菜住高樓擁媵妾自號潤人者讀孟子「堂高數仞榱題數尺我得志弗爲也」一節

當恍然大悟

